

INTERNO FINANCIJSKO IZVJEŠTAVANJE UNUTAR PRORAČUNSKIH KORISNIKA KAO POTPORA JAVNOM MENADŽMENTU

Datum prijave: 17.4.2013.

UDK 657.3:336:338

Datum prihvatanja: 31.5.2013.

Stručni rad

Lovorka Blažević, dipl.oec., Matea Ujević, mag.oec., Ljuba Ukić, bacc.oec.

Trgovinsko poslovanje s poduzetništvom

Veleučilište „Marko Marulić“ u Kninu

Krešimirova 30, 22 300 Knin, Hrvatska

Telefon: 022/668-122, Fax: 022/661-374, Mail: lblazevic@veleknin.hr

SAŽETAK - Važeći zakonodavni okvir o finansijskom izvještavanju u proračunu stvorio je pretpostavke za odgovorno upravljanje u javnom sektoru. Upravljanje u krizi imperativi su koji se danas nameću javnom menadžmentu i to već na razini proračunskih korisnika. Jasno je da upravljanje u krizi stavlja pred javni menadžment velike izazove, ali i veću odgovornost. Rad se fokusira na interno finansijsko izvještavanje i njegovu ulogu u proračunskih korisnika kao potpora javnom menadžmentu. Interno finansijsko izvještavanje uglavnom je slobodne forme i zapravo je ostavljeno volji proračunskih korisnika da po svojim potrebama i zahtjevima kreira interne finansijske izvještaje. Stoga će ovaj rad pružiti uvid u neka od područja u kojima bi se interni finansijski izvještaji mogli razvijati. Cilj svakog finansijskog izvještaja pa tako i internog finansijskog izvještaja je pružiti odgovarajuću informaciju u pravo vrijeme kako bi javni menadžment imao dostatnu podlogu za donošenje prave poslovne odluke.

Ključne riječi: finansijsko izvještavanje u proračunu, interni finansijski izvještaji u proračunu, javni menadžment
SUMMARY

Current legislative framework for public sector financial reporting has created the conditions for the responsible management in the public sector. Crisis management is imperative imposed on public management at the level of the budget users. Management in the crisis presents great challenges for public management and great responsibility. The paper focuses on internal financial reporting for the budget users and its role as a tool for public management. Internal financial reporting is mostly free form. The budget users create internal financial statements in according to their need and requirements. Therefore, this paper will provide insight into some of the areas in which the internal financial statements could develop. The goal of each of the financial statements, including internal financial report, is to provide the appropriate information at the right time as the public management had sufficient basis to make the right business decisions.

Key words: financial reporting in public sector, internal financial reports in public sector, public management

1. UVOD

Trendovi u modernom poslovnom svijetu u domeni finansijskog izvještavanja orientirani su na razvoj i harmonizaciju finansijskog izvještavanja. Potreba za pravovremenom i valjanom informacijom imperativ je u poslovnom svijetu, te je razlogom ulaganja dodatnog npora u razvoj i harmonizaciju finansijskog izvještavanja. Zbog procesa globalizacije i internacionalizacije poslovanja posebno se naglašava važnost harmonizacije finansijskog izvještavanja u cilju pružanja razumljivih, pouzdanih i transparentnih informacija. Za ovaj proces zainteresirane su domaće i međunarodne institucije koje provode kontinuirane i značajne napore u postizanju navedenih ciljeva. Ovi procesi se ne događaju samo u domeni finansijskog izvještavanja u privatnom sektoru, oni se događaju i u javnom sektoru. Korisnici finansijskih informacija u javnom sektoru zahtijevaju što bolje prezentirane i pouzdane

informacije kojima je svrha biti dobra osnova za donošenje poslovnih odluka u javnom sektoru.

2. UPRAVLJANJE U JAVNOM SEKTORU

Korisnici finansijskih informacija u javnom sektoru u prvom su redu menadžeri u javnom sektoru. Oni izvršavaju poslove kao što su poslovi oblikovanja pravne države, ustrojavanja upravljačkih struktura, svakodnevno izvršavanje funkcija države na svim razinama javne vlasti. Stoga, u javni menadžment se ubrajaju predstavnici najviše državne vlasti, članovi izvršne vlasti jedinica lokalne i područne (regionalne) samouprave, čelnici državnih agencija i ministarstava, direktori javnih poduzeća, čelnici ustanova i ostali operativni menadžeri pojedinih organizacijskih jedinica¹. Menadžeri u javnom sektoru zbog složenosti njegovog funkcioniranja, redovito se suočavaju s problemima nedostatnosti sredstava za financiranje određenih aktivnosti, nejasnih

¹ Vašiček, D., (2009) „Računovodstvo i finansijsko izvještavanje u funkciji upravljanja u javnom sektoru“, Hrvatska javna uprava; god. 9., br.2., str. 393 - 420.

procedura pri planiranju i izvršenju proračuna, netransparentnosti pri izradi proračuna, nepostojanja jasnih kodeksa ponašanja javnih službenika itd. Upravo u okruženju globalne krize menadžeri u javnom sektoru suočeni su s novim izazovima upravljanja koje se ogleda kroz fiskalno i društveno odgovorni menadžment. Takav javni menadžment opisan je u literaturi početkom 90-tih godina prošlog stoljeća kao *Novi javni menadžment*². Koncept *Novi javni menadžment* postavio je nove zahtjeve pred finansijsko izvještavanje u javnom sektoru. Kao temeljni ciljevi koncepta navode se³:

- unaprjeđenje učinkovitosti i djelotvornosti u javnom sektoru putem uvođenja tržišnih kriterija ponašanja i pokazatelja uspješnosti;
- poticanje odgovornosti državnih jedinica prema korisnicima i kupcima njihovih usluga i to putem vrednovanja rezultata, a ne procesa;
- uporaba menadžerskih alata privatnog sektora u javnom sektoru, što znači otklon od strogog centraliziranog stila upravljanja;
- smanjenje javnih izdataka kroz povećanje discipline i kontrolirano korištenje raspoloživih resursa;
- unapređenje jačanja odgovornosti menadžmenta putem dodjeljivanja odgovornosti u procesu imenovanja top menadžmenta.

Uloga javnog menadžmenta podrazumijeva prihvatanje odgovornosti za organizirano i učinkovito djelovanje u području upravljanja resursima i poslovanjem, a kontrolne funkcije više se usmjeravaju na maksimiziranje učinaka u upravljanju ograničenim resursima te ostvarivanje zadanih ciljeva s načelom minimiziranja troškova i time smanjenja proračunskih opterećenja⁴. Ovakav koncept traži kvalitetne finansijske informacije na kojima se može bazirati proces donošenja poslovnih odluka. Isto tako u javnom sektoru svaka organizacijska jedinica, dalje u tekstu proračunski korisnik, može pratiti realizaciju različitih ciljeva, zadataka, projekata i aktivnosti. Javni menadžment zahtjeva razvoj novih instrumenata, tehnika i procedura u cilju povećanja efektivnosti

² Termin „New Public Management“ prvi put je upotrijebio Christopher Hood 1991. godine.

³ Huges, O., O'Neill, D. (2006) The limits of new public management: Reflection on the Kenneth „revolution“ in Victoria., str.2. Dostupno na: www.inpuma.research/parers/sydney/hugesoneill.html (23.prosinca 2010)

⁴ Barret, P. (2004) Financial Management in the Public Sector - How Accrual Accounting and Budgeting Enhances Governance and Accountability. CPA Forum: Challenge of

javnog sektora. Stoga finansijski izvještaji, a samim time i regulatorni okvir finansijskog izvještavanja u javnom sektoru doživljavaju značajne promjene koje se prvenstveno odnose na uporabu računovodstvene osnove iskazivanja poslovnih događaja punog nastanka događaja (Full Accrual od Accounting), za razliku od postojećeg načina iskazivanja poslovnih događaja po računovodstvenoj osnovi modificiranog nastanka događaja. Upravo s tim ciljem, a u kontekstu procesa međunarodne harmonizacije nacionalnih izvještajnih sustava za javni sektor, Međunarodna federacija računovoda pokrenula je široku inicijativu i svoj opsežni projekt izrade međunarodnih računovodstvenih standarda za javni sektor utemeljenih na konceptu nastanka događaja.⁵ Republika Hrvatska prati svjetske trendove razvoja finansijskog izvještavanja putem prilagodbe regulatornog okvira finansijskog izvještavanja za javni sektor, no još uvijek nije izmijenjen način iskazivanja poslovnih događaja. Upravo, zbog nesavršenog regulatornog okvira, ali većim dijelom zbog specifičnih potreba proračunskih korisnika raste potreba za razvojem internih finansijskih izvještaja koji će integrirati informacije koje eksterni finansijski izvještaji ne mogu generirati.

3. INTERNO FINANCIJSKO IZVJEŠTAVANJE U FUNKCIJI UPRAVLJANJA

3.1. Ciljevi i svrha internog finansijskog izvještavanja

Finansijski izvještaji su strukturirani prikaz finansijskog položaja, uspješnosti i promjena finansijskog položaja proračunskog korisnika. Osnovni ciljevi finansijskih izvještaja su pružiti informacije širokom krugu korisnika koji će ih koristiti u donošenju odluka i procjena tijekom raspodjele povjerenih proračunskih sredstava⁶ (IPSAS 1). Finansijski izvještaji u javnom sektoru dijele se na eksterne finansijske izvještaje i interne finansijske izvještaje. Temeljni finansijski izvještaji (eksterni) sadrže većinu informacija potrebnih za donošenje odgovarajućih poslovnih odluka⁷. No, određene informacije ipak nisu na

change: Driving governance and accountability, Singapore

⁵ Vašiček, D. (2009) Računovodstvo i finansijsko izvještavanje u funkciji upravljanja u javnom sektoru, *Hrvatska javna uprava*, god. 9., br. 2, str.410

⁶ IFAC-IPSASB (2012) IPSAS 1 - Presentation of financial statements, <http://www.ifac.org>

⁷ Temeljni finansijski izvještaji proračuna i proračunskih korisnika su: Izvještaj o prihodima i rashodima, primicima i izdacima, Izvještaj o novčanim tijekovima, Izvještaj o rashodima prema funkcionalnoj klasifikaciji,

odgovarajući način sadržane u temeljnim finansijskim izvještajima, koji u pravilu daju sintetizirani prikaz računovodstvenih informacija. Upravo iz tog razloga postoje izvještaji koji se sastavljaju strogo prema zahtjevima korisnika i stoga su takvi izvještaji prilagođeni formom i sadržajem uglavnom svojim korisnicima. To su interni finansijski izvještaji koji nastaju ne samo unutar računovodstva, već i unutar nekih drugih poslovnih jedinica proračunskog korisnika. Takvi izvještaji u pravilu nisu standardizirani, odnosno njihova forma je slobodna i kreira se prema potrebama pojedinih korisnika. Uobičajeno je da ovakvi izvještaji sadržavaju ciljane informacije, usko vezane za djelatnost proračunskog korisnika. Temeljni finansijski izvještaji ponekad su previše uopćeni i nisu zadovoljavajuća osnova za donošenje pojedinih odluka. *Takov pristup kreiranju sadržaja i strukture internih finansijskih izvještaja daje puno fleksibilnosti i mogućnosti da se udovolji pojedinačnim i specifičnim zahtjevima internih korisnika. No, nedostatak standardizacije zahtjeva više npora, rada i znanja potrebnih za kreiranje internih izvještaja. Sama metodološka osnova izrade takvih izvještaja je poznata, znanstveno utemeljena i praktično provjerena.*⁸ Kako eksterni izvještaji trebaju pružiti relevantne i usporedive podatke (prema MRSJS 18) nameće se potreba da se za te potrebe osiguraju relevantni izvori informacija. Razrada instrumentarija internog obračuna se indirektno nameće kao nužna pretpostavka za kvalitetnu realizaciju eksterno prezentiranih izvještaja⁹. Dakle, pri izradi internih izvještaja potrebno je prvenstveno voditi računa o pravim potrebama korisnika. Pri definiranju elemenata internog obračuna u javnom sektoru treba uvažavati specifičnosti svakog proračunskog korisnika. *Pripremu informacija treba temeljiti na finansijskim zahtjevima internih korisnika o onim programima, projektima i aktivnostima, koji su od posebnog značaja za pojedinog proračunskog ili izvanproračunskog korisnika, a uz uvažavanje temeljnih načela internog obračuna, koja se primjenjuju u profitnom sektoru*¹⁰. Stoga je za kvalitetnu izradu internih finansijskih izvještaja od iznimne važnosti razvoj informacijskog sustava u kojem računovodstvo zauzima dominantno mjesto.

Izvještaj o promjenama u vrijednosti i obujmu imovine i obveza, Bilanca, Izvještaj o obvezama,

⁸Vašićek, V. et.al. (2011) Upravljačko računovodstvo javnog sektora: Mogućnosti primjene računovodstva troškova u javnom sektoru. U: Gulin, D. i Peršić, M., ur., *Upravljačko računovodstvo*. Zagreb: Hrvatska zajednica računovoda i finansijskih djelatnika, str. 680.

⁹Peršić, M. (2009) Interni obračun i upravljanje troškovima u javnom sektoru. U: Vašićek, D. ur. *Hrvatski javni sektor u aktualnim gospodarskim uvjetima* travanj 2009, Opatija. Zagreb: HZRF, Računovodstvo i financije, Riznica, str. 253 - 272.

Na temelju razvijenog informacijskog sustava moguće je provoditi kontrolu ekonomičnosti, učinkovitosti i djelotvornosti poslovanja pojedinog proračunskog korisnika. Razvoj internog finansijskog izvještavanja u javnom sektoru nameće se kao nužna pretpostavka za kvalitetnu realizaciju eksterno prezentiranih izvještaja. To znači da se u razradi internog obračuna mora poći od informacijskih zahtjeva eksternih korisnika, uvažavati finansijske i informacije o tokovima povezane s realizacijom specifičnih ciljeva pojedinog proračunskog korisnika, slijediti odredbe Zakona o proračunu i polazišta koje daje kontni (računski) plan za proračunske i izvanproračunske korisnike¹¹.

3.2. Interni finansijski izvještaji proračunskih korisnika

Kao što je već istaknuto, interni finansijski izvještaji sadržavaju informacije, koje su raščlanjene sukladno potrebama njihovih korisnika. Najčešće se upravljačko računovodstvo i računovodstvo troškova naziva internim računovodstvom¹². Sam sadržaj internih finansijskih izvještaja može obuhvaćati detaljnije:

- troškove zaposlenika, stručnih suradnika, eksperata i sl.
- specifične troškove koji proizlaze iz djelatnosti proračunskih korisnika pri čemu je bitno naglasiti mogućnost integriranja internih finansijskih izvještaja u eksterne finansijske izvještaje
- i ostale relevantne troškove prema zahtjevima pojedinih proračunskih korisnika.

Interni finansijski izvještaji služe kao podrška upravljanju, i to najčešće kao izvještaji koji pomažu pri:

- upravljanju imovinom,
- upravljanju obvezama,
- upravljanju troškovima,
- upravljanju ljudskim potencijalima itd.

¹⁰ Isto.

¹¹ Peršić, M. (2009) Interni obračun i upravljanje troškovima u javnom sektoru. U: Vašićek, D. ur. *Hrvatski javni sektor u aktualnim gospodarskim uvjetima* travanj 2009, Opatija. Zagreb: HZRF, Računovodstvo i financije, Riznica,

¹²Vašićek, V. et.al. (2011) Upravljačko računovodstvo javnog sektora: Mogućnosti primjene računovodstva troškova u javnom sektoru. U: Gulin, D. i Peršić, M., ur., *Upravljačko računovodstvo*. Zagreb: Hrvatska zajednica računovoda i finansijskih djelatnika, str. 659.

Interni finansijski izvještaji pružaju informacije o ukupnoj imovini proračunskog korisnika, njezinoj vrijednosti, broju, rasporedu po raznim kriterijima. **Upravljanje imovinom** bitno je posebice u uvjetima kada se radi o sofisticiranoj imovini visoke vrijednosti, o imovini vrlo kratkog vijeka korisnosti. Ovakva imovina u fokusu je zanimanja javnog menadžmenta u cilju što efikasnijeg upravljanja postojećom imovinom. Iz ovog proizlazi da interni izvještaji trebaju pružiti što detaljnije informacije, a samim time jasno je da informacije eksternih finansijskih izvještaja o imovini nisu dostaune za upravljanje imovinom. Interni finansijski izvještaji koji su u funkciji upravljanja imovinom proračunskog korisnika mogu sadržavati sljedeće informacije: pregled dugotrajne imovine po amortizacijskim stopama, po lokacijama, pregled rashodovanog inventara, pregled sitnog inventara i slično. Potreba za izradom izvještaja *Pregled dugotrajne imovine po amortizacijskim stopama* (vidi tablicu 1.), kreira se za potrebe javnog menadžmenta proračunskog korisnika, ali i za potrebe informatičkog odjela kako bi za potrebe planiranja održavanja, nadogradnje i ulaganja u novu, posebice informatičku opremu, kontinuirano i u pravo vrijeme bili upoznati sa stanjem postojeće opreme.

Tablica 1. Pregled dugotrajne imovine po amortizacijskim stopama(po segmentu):

Tip opreme	Inv. broj	Lokacija	Vijek traj.	Stopa	Datum nabave	Nabavna vrijedn.
Rač.komp.procurvesw-1	997	220	5	20 %	17.05.09.	5.000
Rač.komp.procurvesw-2	996	220	5	20 %	17.05.09.	5.000
Rač.komp.procurvesw-3	995	220	5	20 %	27.12.10.	5.000
Rač.komp.procurvesw-4	994	220	5	20 %	27.12.10.	5.000
Rač.komp.procurvesw-5	993	220	5	20 %	27.12.10.	5.000
ormar - sklop	903	220	10	10 %	10.05.09.	4.000

Izvor: vlastita izrada

Ovaj izvještaj u pravilu se može izrađivati za opremu koja ima vrlo kratak vijek trajanja, ali isto tako i za pojedine segmente (dijelove) informatičke opreme koji u kompoziciji tvore jedinstveni sklop. Po potrebi, u ovaj izvještaj se mogu uključiti informacije o ispravku vrijednosti (amortizaciji) i sadašnjoj (preostaloj) vrijednosti opreme. Izvještaj *Pregled dugotrajne imovine po lokacijama* (vidi tablicu 2.), može se koristiti kako bi javni menadžment proračunskog korisnika, ali isto tako i informatički odjel bili upoznati s opremljenosću pojedinih stručnih službi, kabinetu i

sl., te kako bi bili u mogućnosti planirati nadogradnju segmenata, dodatno opremanje, odnosno pravilno upravljanje imovinom proračunskog korisnika.

Tablica 2. Pregled dugotrajne imovine po lokacijama

Tip opreme	Inv. broj	Lokacija	Datum nabave	Nabavna vrijednost
procurvesw-1	997	220	17.05.09.	5.000,00
procurvesw-2	996	220	17.05.09.	5.000,00
procurvesw-3	995	220	27.12.10.	5.000,00
procurvesw-4	994	220	27.12.10.	5.000,00
procurvesw-5	993	220	27.12.10.	5.000,00
ormar - sklop	903	220	10.05.09.	4.000,00

Izvor: vlastita izrada

Izvještaji *Pregled rashodovanog inventara* i *Pregled sitnog inventara* (vidi tablicu 3.) u pravilu se dostavlja javnom menadžmentu proračunskog korisnika na uvid, kako bi javni menadžment imao uvid u razloge rashodovanog inventara (primjerice krađa).

Tablica 3. Pregled rashodovanog inventara

Inv. br.	Naziv	Datum nabave	Pov. nab. vrijed.	Smanj. nab. vrijed.	Pov. ispr. vrij.	Smanj. ispr. vrijed.	Sad. vrijed.	Rashodovano
4	Notebook DI 1525	29.09.08.	17.564	0,00	18.662	0,00	-1.097	07.09.10.

Izvor: vlastita izrada

Pregled sitnog inventara, u pravilu se ne mora izrađivati kao poseban izvještaj, već se mogu koristiti mogućnosti računovodstvenog modula za takve i slične potrebe. Osim, navedenih primjera mogućih internih finansijskih izvještaja, treba istaknuti da svaki proračunski korisnik u svrhe upravljanja imovinom kreira izvještaje prema svojim potrebama.

U segmentu *upravljanje obvezama* cilj upravljanja obvezama prvenstveno je praćenje stanja obveza, transparentni pregled obveza po datumu dospjelosti, po vrstama obveza, po dobavljačima, i sl. *Izvještaj o obvezama* sustavan je prikaz svih ukupnih obveza, podmirenih obveza i neizmirenih obveza proračuna odnosno proračunskih korisnika na određeni dan prema rokovima dospjeća i zadanoj strukturi. Pravilnik o finansijskom izvještavanju u proračunskom

računovodstvu¹³ propisuje sadržaj i podatke koje Izvještaj o obvezama mora prikazivati. Obveze se prate kroz:

- stanje obveza na početku izvještajnog razdoblja,
- povećanje obveza u izvještajnom razdoblju,
- podmirene obveze u izvještajnom razdoblju i
- stanje obveza na kraju izvještajnog razdoblja.

Svaka od osnovnih grupa podataka dalje se razrađuje prema vrsti obveze i većim je dijelom prilagođena strukturi obveza koju su korisnici dužni pratiti i dijele se na sljedeće kategorije:

- međusobne obveze proračunskih korisnika,
- obveze za rashode poslovanja,
- obveze za nabavu nefinansijske imovine i
- obveze za finansijsku imovinu.

Ono što je bitno istaknuti kod ovog izvještaja je njegova korisnost za proračunske korisnike koji su obveznici mjesecne izrade izvještaja. Informacije dobivene putem ovog izvještaja potpuni su prikaz stanja obveza kod proračunskog korisnika i kao takve iskoristive su javnom menadžmentu. Izvještaj o obvezama može služiti kao podloga za izradu raznih internih izvještaja. Iako je Izvještaj o obvezama u pogledu sastavljanja možda najsloženiji izvještaj jer ima za cilj praćenje obveza prema navedenim klasifikacijama, on na vrlo pregledan pruža informacije na temelju kojih javni menadžment proračunskog korisnika može vršiti operativnu kontrolu obveza, te na određeni način upravljati njima. Ovaj interni izvještaj objedinjuje niz vrlo važnih informacija za javni menadžment. No ovaj izvještaj, kao i interne izvještaje kojima je osnova za sastavljanje Izvještaj o obvezama, a u cilju što boljeg praćenja obveza i upravljanja povjerenim im resursima, proračunski korisnici mogu sastavljati i učestalije nego što je propisano. Tjedno sastavljanje ovakvog internog izvještaja nužnost je koja će vrlo skoro postati pravilo u funkciji upravljanja proračunskim korisnikom u vrijeme smanjene likvidnosti, nedostatnog financiranja proračuna i sl.

Upravljanje troškovima i njihovo optimiziranje cilj je djelovanja svakog menadžera. Upravljanje troškovima preduvjet je uspješnog poslovanja proračunskih korisnika. Javni menadžment u cilju

što boljeg upravljanja troškovima prati pojedina mjesta troška (mjesto nastanka troška) kako bi se pratila visina troškova s ciljem njihove kontrole i smanjenja , ali i kako bi se omogućilo sučeljavanje odgovarajućih prihoda s pripadajućim rashodima (troškovima). Na temelju izvedenih mjesta troška mogu se organizirati interni finansijski izvještaji koji će detaljno pratiti određene troškove po pojedinim mjestima troška. Ovakve interne finansijski izvještaje mogu koristiti ne samo proračunski korisnici već i drugi korisnici (npr. pojedini razdjeli).

Upravljanje ljudskim potencijalima jedan je od značajnih ciljeva internih finansijskih izvještaja. Naime, današnji uvjeti poslovanja, sve veći zahtjevi koji se postavljaju pred pojedine proračunske korisnike javnom menadžmentu da osigura visoku kvalitetu usluge uz sustavnu racionalizaciju troškova. Interni finansijski izvještaji unutar upravljanja ljudskim potencijalima ima za svrhu analizirati i odrediti optimalan broj zaposlenih, odrediti zadatke i pratiti aktivnosti kako bi konstantno poboljšavali uslugu, analizirati razvoj ljudskih potencijala i njihovu izobrazbu, usporedbe rasta u odnosu na protekla razdoblja, projekcija rasta i sl. Interni izvještaji koji obilježavaju upravljanje ljudskim potencijalima sadrže sljedeće podatke: broj potrebnih djelatnika, broj raspoloživih djelatnika na određeno i neodređeno vrijeme, kvalifikacijsku strukturu djelatnika, bolovanja na teret proračunskog korisnika, bolovanja na teret HZO-a¹⁴, porodni dopusti i sl. Interni finansijski izvještaji kreiraju se na način da zadovolje potrebe javnog menadžmenta, dakle, potrebe upravljanja proračunskim korisnikom, ali njihova modifikacija i razvoj podložni su promjenama sukladno zahtjevima njihovih korisnika.

4. POTREBA HARMONIZACIJE EKSTERNIH I INTERNIH FINANSIJSKIH IZVJEŠTAJA U FUNKCIJI UPRAVLJANJA

4.1. Proces harmonizacije eksternih i internih finansijskih izvještaja

Za donošenje učinkovitih odluka u javnom sektoru neophodna je odgovarajuća informacijska podloga. Svaki proračunski korisnik u komunikaciji sa svojim poslovnim okružjem razmjenjuje uz usluge i informacije. *Javni menadžment ne želi prikazati loše rezultate (bez obzira što im nije primaran cilj stvaranje dobiti), jer to može ugroziti njegov*

¹⁴ Hrvatski zavod za zdravstveno osiguranje

¹³ Narodne novine (2011): Pravilnik o finansijskom izvještavanju u proračunskom računovodstvu, Narodne novine, broj 32/2011, Zagreb.

položaj ili opstruirati trenutnu politiku i nastojanja koje ta vlada želi uvesti.¹⁵

Ove informacije trebaju prije nego što dođu do korisnika biti obrađene i prezentirane na pošten i istinit način, analizirane i provjerene. Računovodstvene informacije nastale su većim dijelom prilikom računovodstvene obrade i samim time one čine finansijske izvještaje. Jasno je da dio informacija, posebice onih sadržanih u internim finansijskim izvještajima nastaje unutar drugih poslovnih odjela, no računovodstvo ima ulogu da ih prikupi i obradi na način koji može biti koristan zainteresiranim korisnicima takvih informacija. Same računovodstvene informacije dobivaju svoj puni smisao u trenutku kada su prezentirane unutar finansijskih izvještaja. *Računovodstvo nije samo sebi svrhom, već je cjelokupna računovodstvena aktivnost usmjerenja stvaranju informacija potrebnih korisnicima u procesu poslovnog odlučivanja, potrebno je informacije prezentirati u obliku i mediju prepoznatljivom i nadasve razumljivom korisnicima kojima su namijenjene¹⁶.*

Cilj prikupljenih, obrađenih i u finansijskim izvještajima prezentiranih informacija je u svakom trenutku pružiti stvarnu sliku, stvarno stanje i finansijski položaj proračunskog korisnika. Interni finansijski izvještaji imaju za cilj dati detaljniji prikaz računovodstvenih informacija koje u prvom redu služe menadžmentu proračunskog korisnika u procesu donošenja poslovnih odluka. Proces harmonizacije eksternih i internih finansijskih izvještaja odvija se sporo. Jedan od razloga leži u činjenici da se tek od nedavno razvija spoznaja da poslovni uspjeh proračunskih korisnika može biti mjerljiv. Stoga, sam proces harmonizacije eksternih i internih finansijskih izvještaja pojedinog proračunskog korisnika u prvom redu će ovisiti o potrebama menadžmenta. Upravo će potreba menadžmenta za što detaljnijom i ciljanom računovodstvenom informacijom determinirati razvoj integriranog računovodstveno-informacijskog sustava. Takav računovodstveno-informacijski sustav u sebi će izravno integrirati informacije iz različitih odjela i u pravo vrijeme pružiti transparentnu i pravovremenu informaciju menadžeru. No, sam proces harmonizacije eksternih i internih finansijskih izvještaja proračunskih korisnika ne bi se trebao zaustaviti na nivou samog proračunskog korisnika. Aktivno uključivanje razdjela kojima pripadaju proračunski

korisnici dodatno bi sam proces harmonizacije olakšalo, uz istovremeno osiguranje veće transparentnosti informacija kako za interne tako i za eksterne korisnike. Proces harmonizacije eksternih i internih finansijskih izvještaja proračunskih korisnika trebao bi u konačnici pružiti odgovor na slijedeće pitanje: „kako proračunski korisnici upravljuju povjerenim im resursima i kako ih alociraju u cilju osiguranja maksimalne društvene koristi?“

Sam proces harmonizacije eksternog i internog izvještavanja se možda odvija presporo, no neosporno je da se uviđa potreba za unaprjeđivanjem i daljnjim razvojem internog finansijskog izvještavanja. Podloga ovoj tvrdnji je sve dinamičnije poslovno okruženje i sve prisutniji zahtjevi menadžmenta za pravom informacijom u pravo vrijeme.

4.2. Značaj harmonizacije internih finansijskih izvještaja s eksternim finansijskim izvještajima

Smjernice koje sadržavaju MRSJS - i¹⁷ vezano za razvoj samog internog izvještavanja odnose se na povezanost internog i eksternog obračuna, odnosno za postizanje zahtjeva za osiguranjem jedinstvene metodološke osnove u pripremi informacija za interne i eksterne korisnike.¹⁸ Razlozi ovakvom pristupu su zahtjevi novog javnog menadžmenta koji traže kreativan pristup procesu planiranja i kontrole, odnosno takvoj pripremi internih finansijskih izvještaja koji će biti dobra pretpostavka za donošenje određenih poslovnih odluka. Upravo su korisnici (menadžment) internih finansijskih izvještaja čimbenici koji definiraju svoje zahtjeve za određenim internim finansijskim izvještajima i u pravilu upravo specifičnosti djelatnosti pojedinih proračunskih korisnika su temeljne odrednice zahtjeva za pripremu internih finansijskih izvještaja. Interni finansijski izvještaji moraju biti potpuno prilagođeni takvim zahtjevima koji su od posebnog značaja za njihove korisnike. Upravo u toj specifičnosti leži smisao pripreme internih finansijskih izvještaja. Stoga, značaj internih finansijskih izvještaja može samo rasti, odnosno imati ulogu prilagođavanja pojedinom proračunskom korisniku i na pravi način pružiti i prikazati informacije onakvima kakve one jesu. Interni finansijski izvještaji moraju imati sljedeće osobine:

¹⁵Vašiček, D. (2004) *Učinci izbora računovodstvenog koncepta na kvalitetu finansijskih izvještaja proračuna*. Magisterski rad. Rijeka: Ekonomski fakultet, str.68.

¹⁶Žager, K. (2007) Računovodstveni proces i politike. U: Žager, L. ur., *Osnove računovodstva: Računovodstvo za neračunovode*. Zagreb: Hrvatska zajednica računovođa i finansijskih djelatnika, str.77.

¹⁷MRSJS - Međunarodni standardi za javni sektor

¹⁸Žager, K. (2007) Računovodstveni proces i politike. U: Žager, L. ur., *Osnove računovodstva: Računovodstvo za neračunovode*. Zagreb: Hrvatska zajednica računovođa i finansijskih djelatnika, str.77.

- dobra prilagođenost korisnicima, prvenstveno menadžmentu,
- dostatnost,
- ujednačenost izvještavanju po određenim razdobljima,
- harmonizirano izvještavanje pojedinih odjela i službi itd.

Interni finansijski izvještaji imaju smisao i ispunjavaju svoju svrhu samo onda ako njihova priprema proizlazi iz računovodstvenih informacija eksternih finansijskih izvještaja, odnosno informacija koje su u suglasju s eksternim finansijskim izvještajima. Dakle, da bi se zadovoljili zahtjevi korisnika za kreiranje eksternih i internih finansijskih izvještaja potrebno je koristiti istu bazu podataka.¹⁹

5. ZAKLJUČAK

U duhu novih zahtjeva javnog menadžmenta finansijsko izvještavanje mora učiniti dodatne napore u cilju prilagodbe novonastalim potrebama. Cilj tih napora jeste usmjeriti određeni tijek informacija kroz interne finansijske izvještaje u cilju donošenja što kvalitetnijih poslovnih odluka na različitim nivoima. Zna li se da je upravo interno izvještavanje ponekad presudno za rješenje poslovnih situacija, izgled i sadržaj pojedinih internih finansijskih izvještaja trebaju biti dobro planirani kako bi zadovoljili nove izazove u javnom poslovanju proračunskih korisnika. U cilju zadovoljenja potreba javnog menadžmenta pred finansijsko izvještavanje postavljaju se visoki zahtjevi za približavanjem i dostizanjem *izvještaja u realnom vremenu* (eng. *real - time accounting, real - time reporting*). Često finansijski izvještaji nisu u mogućnosti ostvariti imperativ realnog vremena, ne samo zbog računovodstveno-informacijskog sustava, već zbog ukupnog načina poslovanja čitavog sustava tj. svih njegovih segmenata koji ne posluju u realnom vremenu. Obavljanje računovodstva u realnom vremenu značilo bi da javni menadžment stvara preduvjete za uspješno obavljanje upravljačke funkcije koristeći se pravovremenim i ažuriranim informacijama. Često bez dodatnih ulaganja u informatičku infrastrukturu, odgovarajući software, korištenje bankovnih i sličnih aplikacija, teško može biti govora o izvještavanju u realnom vremenu, a samim time i o pravovremenim finansijskim informacijama. Nadalje, jedan od presudnih faktora uspješnog upravljanja u javnom sektoru jeste brza dostupnost računovodstveno obrađenih informacija prezentiranih kroz navedene finansijske izvještaje. Spomenute reforme

proračunskog računovodstva, posebice one vezane za priznavanje poslovnih događaja po računovodstvenoj osnovi punog nastanka događaja, kao i unaprjeđenje okvira finansijskog izvještavanja doprinijeti će podizanju razine računovodstvenih informacija na višu razinu transparentnosti i pouzdanosti, te time otvoriti nove mogućnosti za razvoj javnog menadžmenta.

LITERATURA

1. Barret, P. (2004) Financial Management in the Public Sector - How Accrual Accounting and Budgeting Enhances Governance and Accountability. CPA Forum: Challenge of change: Driving governance and accountability, Singapore
2. Huges, O., O'Neill, D. (2006) The limits of new public management: Reflection on the Kenneth „revolution“ in Victoria., str.2. Dostupno na: www.inpuma.research/parers/sydney/hugesoneill.html (23.prosinca 2010)
3. IFAC-IPSASB (2012) International Public Sector Accounting Standards Bord Pronouncements, <http://www.ifac.org>
4. IFAC-IPSASB (2012) IPSAS 1 - Presentation of financial statements, <http://www.ifac.org>
5. Narodne novine (2011): Pravilnik o finansijskom izvještavanju u proračunskom računovodstvu, Narodne novine, broj 32/2011, Zagreb.
6. Peršić, M. (2009) Interni obračun i upravljanje troškovima u javnom sektoru. U: Vašiček, D. ur. *Hrvatski javni sektor u aktualnim gospodarskim uvjetima* travanj 2009, Opatija. Zagreb: HZRF, Računovodstvo i financije, Riznica,
7. Vašiček, D. (2004) *Učinci izbora računovodstvenog koncepta na kvalitetu finansijskih izvještaja proračuna*. Magistarski rad. Rijeka: Ekonomski fakultet
8. Vašiček, D. (2009) Računovodstvo i finansijsko izvještavanje u funkciji upravljanja u javnom sektoru, *Hrvatska javna uprava*, god. 9., br. 2.
9. Vašiček, V. et.al. (2011) Upravljačko računovodstvo javnog sektora: Mogućnosti primjene računovodstva troškova u javnom sektoru. U: Gulin, D. i Peršić, M., ur., *Upravljačko računovodstvo*. Zagreb: Hrvatska zajednica računovođa i finansijskih djelatnika
10. Žager, K. (2007) Računovodstveni proces i politike. U: Žager, L. ur., *Osnove računovodstva: Računovodstvo za neračunovođe*. Zagreb: Hrvatska zajednica računovođa i finansijskih djelatnika

¹⁹Vašiček, D. (2009) Računovodstvo i finansijsko izvještavanje u funkciji upravljanja u javnom sektoru, *Hrvatska javna uprava*, god. 9. br.2.